

中央國醫館
醫藥叢刊之一 **藥物圖考卷三**

編審委員楊華亭撰述
編審委員周柳亭校訂

升麻

西名 參米思

名醫別錄

升麻味甘苦平微寒無毒主解百毒殺百精老物殃鬼辟瘟疫瘴氣邪氣蠱毒入口皆吐出中惡腹痛時氣毒癘頭痛寒熱風腫諸毒喉痛口瘡久服不天輕身長年一名周麻生益州山谷二月八月採根日乾

陶弘景

舊出寧州者第一形細而黑極堅實頃無復有今惟出益州好者細削皮青綠色謂之鷄骨升麻北部間亦有形又虛大黃色建平間亦有形大味薄不堪用人言是落新婦根不必爾其形自相似氣色非也落新婦亦解毒取葉援作小兒浴湯主驚忤

圖經本草

升麻生益州川谷今蜀漢陝西淮南州郡皆有之以蜀川者爲勝春生苗高三尺以來葉似麻葉並青脆四月五月著花似粟穗白色六月以後結實黑色根紫如蒿根多鬚四月八月採日暴乾醫家以治

咽喉腫痛口舌生瘡解傷寒頭痛（下畧）

萬國藥方

Cimicifuga 參米思出美國等處入藥用根色外黑內白味苦辛而畧瀝別具一種氣息酒水均

能提出功力

（功用）溫補平腦平脈化痰

（主治）腦氣筋疼新久風濕欬嗽類病過服令人眩暈作悶及抽筋

（分劑）二至三十喱

藥料詳要

洋升麻係 *Actaea racemosa* 之根莖令乾約長二至六寸厚半至一寸絳黑色微臭味苦而辛

內含一種香油二種脂及鞣酸但其行效之精尚未查出此藥味苦用小分劑開胃微加則能壯心與狄吉他利同且能激皮及陰陽具在系痛症枝氣管炎及數種子宮疾與遺精用之（分劑）二至三十喱

賀氏療學

升麻乃美國一類宿根之草入藥用其根內含一脂並一揮發油如用其油或流膏當隨製隨用

並常用本年所產者因其力易失也

（生理作用）試將此藥之大分劑注射禽獸皮內則脊腦覺徑被癱故激反應之能減少雖肌與腦系不受阻而心與血管舒縮中樞俱受其阻終因呼吸停止而殞命服小分劑微有激心之力用足分劑鮮有不

額痛者但其生理作用與療效無甚干涉

（療效）腎肌跳之妙劑砒爲第一此藥居第二如無他恙此藥尤妙但宜防大便秘結並當常與鐵類同服若有痺症之根用之實最合宜有醫士以此藥爲治系痛之妙劑若卵腺之系痛尤爲妙劑婦人經閉子宮痛與子宮不復原等症或降階時覺卵腺或子宮作痛用之尤妙以其大有激發子宮之力故懷孕者宜慎用之可免小產之虞然有醫士特用爲免小產之劑因其有激發子宮之能可代麥奴之用過用目力之頭痛用之有效

英國藥制

升麻乃溫和之祛痰劑其味苦所用者爲醇溶液（膏或醇劑）治舞蹈病風濕痛及腦經痛

華亭述言

【產地】 各國均產

【形態】 毛茛科升麻屬多年生草本莖高三四尺三出羽狀複葉葉緣缺刻及鋸齒每小葉卵圓形夏日莖端開

小白花總狀花序其根爲根莖長數寸徑半至一寸外皮褐黑而紫內黑白相兼有羅孔如木質輪中心常有空虛

【主治】 入藥用根有毒味先苦後畧辛主頭痛口瘡咽喉腫痛欬化痰止驚悸疝氣痛風肌跳溼痺經痛卵巢

系痛遺精脚氣

【考證】

張元素李東垣李時珍均以升麻專爲上升之藥清諸家本草多宗之俗云「上升須用升麻柴胡升之下降須以小膝引之欲使藥力上行則以桔梗載之」此派學說今日盛行予非謂升麻無上行之功特不可專爲上升藥耳新本草綱目附錄云「前人以升麻之升推想爲升降之升其論功用往往牽強附會香川修德著一本堂藥選已闢其謬誤摘錄數語如左張元素曰升麻升陽氣於至陰之下李杲曰升麻升胃中清氣自二氏創此謬說後之醫家遂往往以升提爲言抑何深拘於升字乎」本草綱目誤升麻爲本經藥並云「今別錄作周麻非省文卽脫誤也」此非別錄之誤乃李氏自誤耳按此藥中分劑有醫頭痛療咽喉之功足分劑致額痛眩暈毒分劑能阻心經與血管舒縮中樞終至呼吸停止而死金匱升麻鳖甲湯爲療咽喉痛吐膿血而後人皆爲喉症禁忌之品豈未見別錄主風腫諸毒喉痛口瘡之症乎若近世於喉症用之必謂庸醫殺人此皆不究實際專憑耳食之誤也予於調經方中多爲諸藥之導引於經閉腹痛令其激動子宮頗著功效而於卵線痛尤效療學云「升麻爲治肌跳之妙藥砒爲第一此藥居第二」其於脚氣冲心及疝氣類症均效小兒科多用爲定驚之劑蓋取其安撫神經而驚悸癎癇自止矣故於神經痛與烏頭等藥並用尤妙此藥內含一種揮發油與二種樹脂及一種鞣酸

【修治】

採於春秋洗去泥土去其根鬚及枯朽之處陰乾勿洩氣用時搗碎勿切片緣內含揮發油最易失散故療學云「常用本年所採者因其力易失也」

【分劑】

煎服半至三錢

【升麻麻黃飲】

升麻一至三錢 麻黃一至二錢 蒼

朮二至三錢 吳茱萸一至二錢 檳榔二至四錢 威靈

仙一錢 若脅痛加柴胡二至三錢 治腳氣沖心

【升麻茴香飲】

升麻一至三錢 茴香一至二錢 麝香

二至三分 以絲瓜半至一兩 川棟子二至四錢 荔枝

核五錢 治疝氣

【驗案】

民國二十一年秋虎疫流行到處披猖有

黃姓婦年七十餘因患霍亂愈後飲食不禁致患瀉腹及口顫四肢麻木初則一日口顫一二次至三日後每日顫動七八次如風癩之狀余開「升麻山查飲」(方見後)服之一劑顫動即止而瀉腹及四肢麻木皆愈惟頭部畧為眩暈即療學所云如用足分劑鮮有不顫痛者始知此藥為安撫神經肌跳之妙劑也



【升麻山查飲】

升麻三錢山查三錢麻黃膏二分菊花三錢麥芽三錢薄荷三錢甘草半兩

豆蔻

又名草豆蔻又名草果

名醫別錄

豆蔻味辛溫無毒主溫中心腹痛嘔吐去口臭氣生南海

陶弘景

味辛烈者爲好甚香可常含之其五和糝中物皆宜入廉薑溫中下氣益智熱枸櫞溫甘蕉麝目並小

冷爾

蜀本草圖經

豆蔻苗似杜若春花在穗端如芙蓉四房生於莖下白色花開卽黃根似高良薑實若龍眼而

無鱗甲中如石榴子莖葉子皆味辛而香十月收今花中亦種之

圖經本草

豆蔻卽草豆蔻也生南海今嶺南皆有之苗似蘆葉似山薑杜若輩根似高良薑花作穗嫩葉卷

之而生初若芙蓉穗頭深紅色葉漸展花漸出而色漸淡亦有黃白色者南人多採以當果實尤貴其嫩者并穗入甕同淹治疊疊作朶不散落又以木櫟花同浸令其色紅耳其作實者若龍眼子而銳皮無鱗甲中子若石榴辨候熟採之暴乾根苗微作樟木氣其山薑花莖葉皆薑也但根不堪食亦與豆蔻花相似而微

小耳（下畧）

植物名實圖考

豆蔻別錄上品卽草果桂海虞衡志諸書詳晰如繪嶺南尚以爲食料唯南越筆記以爲根葉辛溫能除瘴氣雲南山中多有之根苗與高良薑相類而根肥苗高三四尺高良薑根瘦苗短數十莖叢生葉短面背光潤紋細葉淡綠草果莖或青或紫葉長紋粗色深綠夏從葉中抽葶卷纏綠苞漸舒長葶分綻尖杪淡黃近跗紅赭圻作三瓣白花兩瓣細長翻飛欲舞一瓣圓肥中裂爲兩黃蕊三萼縈繞相潤紅蕊一縷未開如鉗一花之中備紅黃白赭四色圖經諸說旣不詳臚而含胎充果又與良薑之紅豆蔻穰子莖之輭紅麥粒互相膠轉若以三種並列則花實幾無一肖余就滇人所指爲而名之不識嶺外所產與此同異滇南本草性溫味辛無毒生山野中或蔬圃地葉似蘆開白花結果內含瓢藏子如豆蔻而粒大能消食積解冷宿結滯之鬱開通胃脾快利中膈令人多進飲食今人多用爲香料調糖飲食甚良又能去除蟲毒辟夷人藥毒佩之能遠患也

萬國藥方

Cardamum 草豆蔻出印度暹羅等處入藥用葉味香而辛

（功用）溫補開胃祛風佐瀉劑同服能免肚疼

（分劑）五至二十厘

賀氏療學

豆蔻乃一類草子有苦補藥之力且有香味胃與小腸虛弱者服之有效如與金酸類或龍胆草等苦補藥並用其效尤妙

藥料詳要

係豆蔻 *Ellettaria cardamomum* 成熟之子令乾然常留於殼中臨用時剖出其果爲橢圓形淡黃色長一寸五分之二至五分之四內含之子深紅色長約一寸八分之一寬厚亦如之爲角形有縐紋味臭熱而香內含香油特寶質如樟腦質豆蔻爲調藥味及祛風最佳之品其效頗似胡椒

英國藥制

豆蔻子用作開胃驅風和味和入瀉劑作爲佐劑防止絞痛頗著功效普通應用者乃其醇劑

華亭述言

【產地】

產於中國南部

【形態】

蕁荷科豆蔻屬多年生草本莖高三四尺互生單葉長橢圓形全緣並行脈狀如杜若夏日葉中抽葶卷

【主治】

綠綠苞漸舒花冠三片色白總狀花序結實淺殼內爲重子集合而成每子長約一分色灰褐入藥用果無奇味畧香而辛主溫中行氣開胃止嘔吐去口臭除脹滿腸胃氣痛佐瀉劑免腸部絞痛

【考證】

按豆蔻至宋又名草豆蔻或名草果皆一物也藥性賦解本草原始本草從新本草求真醫學辭典中藥辭典皆以草果與草豆蔻爲二物究此藥形態微異因產地而殊實則一種也故李時珍云「草豆蔻草果

雖是一物然微有不同建甯所產大如龍眼而形微長其皮黃白薄而稜峭滇廣所產長大如訶子其皮厚黑而稜密」而諸家本草皆引李氏之說誤爲二物矣此因不究名實以訛傳訛惟植物名實圖考言之甚詳按豆蔻性與白豆蔻縮砂薑相同此藥內含揮發油油內含松烯及一種樟腦

【修治】

採子於成熟之期晒乾收藏勿洩氣用時搗碎

【分劑】

散服去殼二至五分煎服帶殼搗碎一至三錢

白豆蔻

開寶本草

白豆蔻味辛大溫無毒主積冷氣止吐逆反胃消殺下氣出伽古羅國呼爲多骨形如芭蕉葉似杜若長八九尺冬夏不凋花淺黃色子作朵如葡萄其子初出微青熟則變白七月採

圖經本草

白豆蔻出伽古羅國今廣州宜州亦有之不及番舶者佳苗類芭蕉葉似杜若長八九尺而光滑



冬夏不開花淺黃色子作朱如葡萄生青熟白七月採

萬國藥方

Arctium lappa 白豆蔻亦有紫色者謂紫豆蔻苦者謂益智子此藥出暹羅並中國廣州

等處入藥用葉帶殼者佳

(功用) 與草豆蔻同

華亭述言

產地

產於暹羅等處

主治

入藥用果無毒味辛香主開胃行氣消食止嘔吐

考證

白豆蔻形態未見係開寶時收入云形如芭蕉圖考繪圖爲本立植物近日程登瀛由暹羅寄稿於廣州醫林一書云白豆蔻係蔓生草葉如少指密生芒毛萌芽即生葉結實嫩葉卷曲平行脈葉漸展花已成胎此藥分野生人工二種野生者人皆自由採取不待成熟遇見即折故蔻櫛殼光白仁瘦小人工自主者待熟採取故仁滿殼厚而起稜色微含黃褐今藥市以黃褐色者呼爲紫豆蔻以白壳者用褐土染而充之蓋紫白二蔻本爲同種因白壳者係失時採取其壳揉之易破內有三房含種子九至十二枚色黃褐合於口中有辛溫之氣其功用與豆蔻砂仁相似本草從新云「火升作嘔因熱腹痛氣虛諸證咸宜禁之」按

白豆蔻係微辛之劑非刺戟性之大熱藥也如嘔吐積食腹痛爲行氣消食常用之品彼云氣虛諸證咸宜禁之蓋白豆蔻本非治氣虛之藥但若因氣虛致胃脘失其功用以致消化不良宜與他藥配服

【修治】 與豆蔻同

【分劑】 散服與煎服亦與豆蔻同

肉豆蔻

開寶本草

肉豆蔻味辛溫無毒主鬼氣溫中治積冷心腹脹痛霍亂中惡冷症嘔沫冷氣消食止洩小兒乳霍其形圓小皮紫緊薄中肉辛辣生胡國胡名迦拘勒

圖經本草

肉豆蔻出胡國今惟嶺南人家種之春生苗花實似豆蔻而圓小皮紫緊薄中肉辛辣六月七月

採

植物名實圖考

肉豆蔻開寶本草始著錄今爲治洩泄要藥李時珍云花實如豆蔻而無核故名

萬國藥方

Mezites 肉豆蔻出印度羣島乃樹所結之菓去外壳用子屬香味類

(功用) 行氣去風亦解他藥惡味

〔分劑〕五至十五囀

賀氏療學

此藥係樹所結之菓產於東西印度羣島有平腦系部之能與安睡之效亦有改味之功盟瀉症與他藥同服有效內含一類精油其氣味散名肉蔻油此藥之外皮名肉蔻花

〔毒力〕服過分劑者必致中毒其形狀與中印度麻相同

藥料詳要

係肉豆蔻 *Myristica cinnamomea* 樹果之子去殼令乾卵形或球形長約一寸外灰綠色而有成網之窩內灰紅色而有絳紅色斑其氣味香且熱而微苦肉豆蔻之數多與他種香油相似餐中用之調味其油有時用於擦藥貼膏以得其暖皮之功

華亭述言

〔產地〕

產於東印度羣島

〔形態〕

肉豆蔻科肉豆蔻屬常綠喬木高約三丈葉互生長橢圓而尖網脈全緣面光滑由葉腋抽出花莖單性花雄雌異株結實爲肉果形卵圓長約一寸初色綠白後則黃褐面光滑熟時由殼上方開裂種子落下方被赤色多肉性之種衣割開有褐色斑紋狀如棋盤紋

〔主治〕

入藥用果有香味辛香主平腦安眠行氣開胃消食破積聚心腹脹痛嘔吐霍亂止瀉若因食積致瀉常與大黃並用有推陳致新行氣之能若底瀉或五更瀉與補骨脂乾薑吳茱萸配服有溫腎煖腸及收斂之

效如失眠症宜與麻黃並用

【考證】

肉豆蔻係喬木非芳草也產於東印度等處蘇頌謂嶺南人家所種春生苗者非也而原始備要從新求真俱云出嶺南似草豆蔻皆隨文附會耳醫學大辭典中藥大辭典云肉豆蔻屬芳草類及言其形態則謂常綠木本矛盾甚矣此藥分劑加多如中麻黃毒相似西醫云有平腦安眠之功則爲中醫所未道及此藥內含脂肪油與揮發油及澱粉等質

【修治】

採於成熟之期收藏勿洩氣用時去壳搗碎

【分劑】

散服一至五分煎服半至二錢

縮沙毒

又名 砂仁



嘉祐本草

縮沙薺味辛溫無毒主虛勞冷瀉宿食不消赤白洩痢腹中虛痛下氣生南地苗似廉蓋形如白

豆蔻其皮緊厚而皺黃赤色八月採

圖經本草

縮沙薺生南地今惟嶺南山澤間有之苗莖似高良薑高三四尺葉青長八九寸闊半寸已來三

月四月開花在根下五月六月成實五七十枚作一穗狀似益智子皮緊厚而皺如栗文外有刺黃赤色皮

間細子一團八隔可四十餘粒如黍米大微黑色七月八月採

南越筆記

陽春

屬廣東高雷道

砂仁一名縮砂薺新興

屬廣東粵海道

亦產之而生陽江

屬廣東高雷道

南河者大而有其種之所

(此句有錯漏)曰果山曰縮砂者言其壳曰薺者言其仁鮮者曰縮砂薺乾者曰砂仁八月採之以嫩者

鑑漬爲貨於嶺外最珍其稅頗重

植物名實圖考

縮砂薺嘉祐本草始著錄圖經苗莖似高良薑今陽江產者形狀殊異俗呼草砂仁

萬國藥方

Annonum xanthioides

此藥出暹羅安南等處與草豆蔻同用而力稍勝

華亭述言

產地

產於廣東及安南暹羅等處

主治

入藥用子無毒味辛香主行氣開胃消食嘔吐脹滿腹痛寒洩利疾

【考證】

嘉祐云苗似廉薑圖經云苗莖似高良薑惟圖考云「陽江產者形狀殊異」蓋謂不似廉薑或高良薑之屬觀其圖爲掌狀葉與廉薑及高良薑之長橢圓葉者迥異但未言是草是木耳察植物辭典無圖亦無解釋惟云係蕁荷科豆蔻屬是仍以爲廉薑高良薑之類也今將圖考之圖繪之於後以備參考而藥市所售多爲去壳之仁係重子集合而成漸呈三稜體徑約二分半長約三分每單粒大如黍而畧長每體約合子三四十粒外色褐黑內白後繪之圖是否爲縮砂薑還望陽江學者就地考證而教正之

【修治】

採於成熟之時帶壳收藏用時去壳搗碎而藥市所售皆爲去壳之仁其力較微

【分劑】

散服二至五分煎服半至二錢

薄荷



唐本草

薄荷味辛苦溫無毒主賊風傷寒發汗惡氣心腹脹滿霍亂宿食不消下氣煮汁服亦堪生食人家種之飲汁發汗大解勞乏註葉似荏而尖長根經冬不死又有蔓生者功用相似

圖經本草

薄荷舊不著所出州土而今處處皆有之莖葉似荏而尖長經冬根不死夏秋採葉暴乾方稀用或與薤作醃食近世醫家治傷風頭腦風通關格及小兒風涎爲要切之藥故人家園庭間多蒔之又
有胡薄荷與此相類但味少甘爲別生江浙間彼人多以點茶飲之俗呼新羅薄荷近京僧寺亦或植一二
本者天寶方名連錢草者是石薄荷生江南石上葉微小至冬而紫色此一種不聞有別功用凡新大病差
人不可食薄荷以其能發汗恐虛人耳字書作菰蒿

本草綱目

薄荷人多栽蒔二月宿根生苗清明前後分之方莖赤色其葉對生初蒔形長而頭圓及長則尖
吳越川湖人多以代茶蘇州所蒔者葉小而氣芳江西者稍粗川蜀者更粗入藥以蘇產爲勝（下畧）

植物名實圖考

薄荷唐本草始著錄或謂卽菰蒿菰蒿之訛中州亦蒔以爲蔬有二種形狀同而氣味異俗
亦謂之臭薄荷蓋野生者氣烈近臭移蒔則氣味薄而清可噉亦可入藥也吳中種之謂之龍腦薄荷因地
得名非有異也

萬國藥方

Menha piperita 此藥出英美及中國等處係從龍腦薄荷鮮葉按公法蒸出者臭香味辛

(功用) 嘔吐胃口疼肚風絞疼佐瀉劑同服免其肚疼解他藥惡味常用之

(分劑) 一至四噠

(外用) 治頭疼面部腦氣筋疼

賀氏療學

此藥係一類草之乾葉及生花之稍嗅管俱有香味因含一類香油如以此油敷於皮上有刺激力且有麻效其油內含薄荷冰形如樟腦味辣亦大有麻效

(療效) 此藥常醫腸胃氣脹及嬰孩疳症有醫士以此油加於瀉劑庶免疳患此油香味甚濃如加惡味藥內必易服之六月至一正歲之嬰孩如患重疳症且腦系受累者良方如下

哥拉十六噠 溴化鉀 三十二噠 薄荷水 量兩 每小時服一小匙加於沸水內

腦系痛以此油滴於布上覆患處有效且宜謹慎須妨起飽及去布後如覆處甚作燒痛即以軟石蠟或俄利之油敷之其痛即止患牙痛者以此油一滴於棉花上塞於牙孔有效此油含薄荷冰多麻力必大中國所含之冰較多於美國

(薄荷冰) 由薄荷油而得無色結晶形成三角狀之似薄荷油孕吐者服之常效胃痛者此藥有祛風之效分劑一至二噠製九日服三次胃粘膜新炎忌用此藥敷於皮膚或粘膜皆有麻效故製成筆形之錠於